

HENNEPIN COUNTY  
ELECTIONS

Qajeelfama  
Filataa



# Baga nagaan dhuftan

Gareen Hennepin County Elections qulqullinaa fi sirritti isin tajaajiluuf carraaqa. Yeroo sagalee kennitan sagalee keessan dhageessifattu, qondaaltota filatamanitti itti gaafatamummaa kennitu, akkasumas dhimmoota barbaachisoo hawaasa keessan ilaallatan irratti dhiibbaa uumtu.

Qajeelfamni filattotaa kun adeemsa sagalee kennuu kan ibsu yoo ta'u, filataa caalaatti odeeffannoo qabu akka taataniif odeeffannoo isinii kenna. Gaaffii yoo qabaattan waajjira keenya quunnamaa.

Dimokiraasii keenya keessatti qooda fudhachuu keessaniif galatoomaa!

Nagaa wajjin,

Ginny Gelms

Qajeelchituu Kutaa Filannoo

# Gabatee Qabiyyee

Eenyutu filata .....	4
Mirgoota filataa.....	5
Mirkaneeffata filannoo .....	6
Filachuudhaaf galmaa’uu .....	7
Karaawwan ittiin galmaa’an .....	8
Dhugaa namaaf ba’uu .....	9
Karaawwan ittiin filatan .....	10
Dhaqqabamummaa .....	14
Haalota addaa .....	15
Wajjiraalee filataman .....	16
Waraqaa filannoo keessanirra maaltu jira.....	19
Filataa odeeffannoo ga’aa qabu ta’uu .....	20
Waraqaa filannoo keessanitti dibuu .....	21
Itti hirmaadhaa.....	23



## Eenyutu filachuu danda'a

Ulaagaalee armaan gadii hunda yoo guuttan Minnesota keessatti filachuu ni dandeessu:

- Lammii U.S. yoo taatan
- Umuriin keessan Guyyaa Filannootti yoo xiqqaate 18 yoo ta'e
- Guyyoota 20'f jiraataa Minnesota yoo taatan
- Yeroo ammaa kana murtii yakka cimaatiin hidhaarra yoo hin jiraanne
- Eegumsa seeraa jalatti abbaan seeraa mirga filachuu keessanii isin irraa hin mulqine yoo ta'e



## Mirgoota filataa

Akka filataa Minnestotaatti isin mirgoota hedduu qabdu! Yaadadhaa, yoo ulaagaa guuttan mirga filachuu dhorkatamuu hin dandeessan.

### Kana gochuuf mirga qabdu:

- Gargaarsa gaafachuu
- Abbaa murtii filannoo irraa gargaarsa argadhaa ykn nama isin gargaaru fidachuu
- Murtii yakka cimaatiin hidhamtanii hin jirtan yoo ta'e filachuu
- Kaffaltii, boqonnaa dhuunfaa, ykn yeroo boqonnaa osoo hin dhabin sagalee kennuudhaaf yeroo hojii irraa boqonnaa fudhachuu
- Iddattoo waraqaa filannoo gara bakka filannoo keessaniitti fiduu
- Sagalee filannoo keessan osoo hin kenniin dura yoo dogoggortaniittu ta'e waraqaa filannoo biraa fudhachuu
- Guyyaa Filannootti galgala sa'a 8 p.m.tti sarara irra yoo jiraattan filachuu.
- Ijoollee keessan gara filannoo fidaa fiddanii dhufuu.



# Mirkaneeffata filannoo



Sagalee kennuun jalqaba irratti sodaachisaa fakkaachuu danda'a, garuu adeemsa isaa keessatti isin gargaaruuf as jirra.

Bara kana filannoo salphifachuuf mirkaneeffataa fi qajeelfama filataa kana fayyadamaa!

## Filachuuf qophaa'aa

- Filachuu danda'uuf ulaagaa guutuu keessan mirkaneeffadhaa (fuula 4ffaa)
- Filachuuf galmaa'aa (fuula 7ffaa)
- Waraqa filannoo keessan irra maal akka jiru baraa (fuula 19ffaa)
- Karoora filannoo qabaadhaa:
  - Poostaadhaanan filadha (fuula 1ffaa)
  - YKN
  - Durseen qaamaan dhaqee filadha (fuula 12ffaa)
  - YKN
  - Guyyaa Filannoottan filadha (fuula 13ffaa)
- Filadhaa!



## Filachuudhaaf galmaa'uu

Filachuu keessaniin dura galmaa'uu qabdu.

Galmaa'uun karaa ittiin ulaagaa guutuu keessan agarsiistanidha.

- Minnesota keessatti, Guyyaa Filannoo guyyoota 21 dursitanii galmaa'uu ni dandeessu.
- Qaamaan dursitanii ykn Guyyaa Filannootti yeroo flattan galmeema guyyaa walfakkaatuutiin galmaa'uullee ni dandeessu.

Galmaa'uu keessan adda hin baafannee? [mnvotes.gov/register](https://mnvotes.gov/register) irraa ilaalaa.



# Karaawwan ittiin galmaa’an

Toora intarneetiirraan [mnvotes.gov/register](https://mnvotes.gov/register) irraa ilaalaa

- Mala kanaaf teessoo iimeelii isin barbaachisa.

## Waraqaarratti

- Unkaa iyyannoo galmee kanarraa piriinti godhadhaa: [mnvotes.gov/register](https://mnvotes.gov/register) ykn [hennepin.us/elections](https://hennepin.us/elections)
- Gara Hennepin County Elections’tti poostaa ergadhaa ykn qaamaan kottaa

## Qaamaan

- Mirkaneeffannaa
  - eenyu akka taatanii fi
  - eessa akka jiraattanii dhiyeessuu qabdu  
*Fakkeenyaaf, WE Minnesota yeroo ammaa fi kan fudhatama qabu ykn hayyama konkolaachisummaa*
- Tarree filannoowwan bakkee jireenyaa keessanii mirkaneessanii hunda [mnvotes.gov/register](https://mnvotes.gov/register) irraa fudhadhaa

### YKN

- Filataan galmaa’e kan naannoo keessanii akka dhugaa isiniif ba’u taasisaa (*odeeffannoo nama dhugaa isiniif ba’uu argachuuf fuula 9ffaa ilaalaa*)

### Wayita kana gootan galmee keessan haarnessuu hin dagatinaa:

- Bakka haaraatti yeroo jijjiirrattan
- Maqaa keessan yeroo jijjiirrattan
- Waggoota arfan darban keessatti yoo xiqqaate aaluma tokkoof illee flattanii hin beektan yoo ta’e

## Barattoota kooleejii

Teessoo yeroo ammaatti mana kiyya ittiin jettaniin galmaa’aa Fakkeenyaaf, doormii keessan, mana mooraa kooleejitiin alaa ykn mana maatii keessanii.





# Dhugaa namaaf ba'uu



Bakkee jireenyaa keessan yeroo ammaatiif ragaa sirrii hin qabdan yoo taatan, yeroo qaamaan filattan namni biraan akka dhugaa isiniif ba'uu gochuu ni dandeessu

Namni dhugaa isiniif ba'uu kaka teessoo keessan mirkaneessuu mallatteessuutu irraa eegama.

## Eenyutu dhugaa isiniif ba'uu danda'a?

- Filataa galmaa'e, kan naannoo keessan keessa jiraatu  
(*Filataan galmaa'e hanga filattoota saddeetiitiif wabii ta'uu ni danda'a*)

### YKN

- Dhaabbata keessa jiraatan keessa jiraattu yoo ta'e, hojjettoota dhaabbatichaa ta'uu ni danda'a
- Hojjettootni buufata filannootti ragaa mindeeffamuu isaanii agarsiisuu qabu (*fakkeenyaaf: baajii W.E. hojjetaa ykn tarreeffama hojjettoota*)

Baay'ina namootaa miseensi hojjettootaa dhugaa ba'uufii danda'u irratti daangaan kaa'ame hinjiru. Nama biraatu dhugaa isiniif ba'e yoo ta'e, wabii namaaf ta'uu hin dandeessan.

Hub: Teessoon keessan mirkaneeffamuu hin danda'u yoo ta'e, bakka filannootti "rakkachuu" maltu. Yooma ta'e iyyuu filachuu ni dandeessu. Abbootiin seeraa bakka filannoo keessanii filachuu keessaniin dura kaka ulaagaa guutiinsaa isin kakachiisu.



## Karaawwan Ittiin Filatan



Minnesota keessatti, karaawwan ittiin filachuu dandeessan garaa garaa qabdu.

Filatootni hundi kana gochuuf ulaagaa ni guutu.

Dursanii poostaadhaan filachuu (*fuula 11ffaa*)

**YKN**

Dursanii qaamaan dhaqanii filachuu (*fuula 12ffaa*)

**YKN**

Guyyaa Filannootti filachuu (*fuula 13ffaa*)



# Dursanii poostaadhaan filachuu

Poostaadhaan filachuun salphaa fi mijataadha Mana keessanii ba'uu fi hiriira galtanii eeguun isin hin barbaachisu!


## Sadarkaalee:

1. Filachuuf galmaa'aa (*fuula 7ffaa*)
2. Waraqaan filannoo qaamaan osoo hin dhiyaatin filachuu poostaadhaan akka isiniif ergamuuf [mnvotes.gov/absentee](https://mnvotes.gov/absentee) ykn [hennepin.us/elections](https://hennepin.us/elections) irraan iyyadhaa
  - Hubachiisa: Waggoota filannoo adda ta'aniitiif iyyannoowwan qaamaan osoo hin argamin taasifaman poostaa, iimeelii ykn faaksiidhaan gara Hennepin County Elections'tti ergamuu qabu.
3. Waraqaan filannoo keessanii poostaadhaan isin qaqqaba
4. Waraqa filannoo keessanii guutaa
  - Qajeelfamoota isaa sirriitti dubbifachuu keessan mirkaneeffadhaa.
  - Filataa galmaa'e ykn nama seera-qabeessa ta'erraa mallattoon wabii ni barbaachisa
  - Dursitanii kan hin galmoofne yoo taatan, unka galmee dabalataatu akka guuttaniif isinii kennama
5. Waraqa filannoo keessanii poostaadhaan ykn qaamaan deebisaa.
  - Waraqaan filannoo keessanii Guyyaa Filannootti hanga sa'aatii 8 p.m.tti qaqqabuu qaba.


Waraqa filannoo keessanii [mnvotes.gov/track](https://mnvotes.gov/track) irraan hordofuu ni dandeessu.

Waraqa filannoo keessanii ilaalchisee rakkoon yoo jiraate, karaa 612-348-5151 ykn [hc.vote@hennepin.us](mailto:hc.vote@hennepin.us) Hennepin County Elections quunnamaa.

## Waraqa filannoo guutaa



## Karaawwan waraqa filannoo ittiin deebisan






## Dursanii qaamaan filachuu

Wajjira filannoo naannoo keessaniitti ykn bakka dursanii sagalee kennuutti Guyyaa Filannoo dura hanga guyyoota 46tti sagalee kennuu ni dandeessu.

### Sadarkaalee:

1. Yeroo filattan dursaatii galmaa'aa ykn galmaa'aa (*fuula 7ffaa*)
  - Dursitanii galmooftaniittu yoo ta'e, W.E. fiduu isin hin barbaachisu.
  - Yoo qaamaan galmaa'aa jirtu ta'e, ragaa jireenyaa sirrii ta'e fiduu keessan mirkaneessaa
2. Bakka sagalee dursitanii itti kennitan fi sa'aatii hojii asirraa argadhaa: [hennepin.us/elections](https://hennepin.us/elections)
  - Yeroon eeggannaa garaa gara ta'uu akka danda'u yaadadhaa
3. Waraqa filannoo fudhachuu keessaniin dura iyyannoo filannoo qaamaan osoo hin argaminii guutuu qabdu.
4. Filadhaa!
  - Bakkee dhokataa keessatti filattu.
  - Yoo dogoggortan mirga gargaarsa gaafachuu ykn waraqa filannoo haaraa argachuu qabdu.







## Guyyaa Filannootti


Guyyaan Filannoo yeroo filannoo isa gammachiisaa yoo ta’u, bakki filannoo keessan yeroo baayyee manatti dhihoodha.

### Sadarkaalee:

1. Yeroo filattan dursaatii galmaa’aa ykn galmaa’aa (*fuula 7ffaa*)
  - Dursitanii galmooftaniittu yoo ta’e, W.E. fiduu isin hin barbaachisu.
  - Guyyaa Filannoorra galmaa’aa jirtu yoo ta’e, ragaa jireenyaa sirrii ta’e fiduu keessan mirkaneessaa
2. Buufata filannoo keessanii [mnavotes.gov/pollfinder](https://mnavotes.gov/pollfinder) irraa ilaalaa
  - Yeroon eeggannaa garaa gara ta’uu akka danda’u yaadadhaa
  - Guyyaa Filannootti filannoon ganama sa’a 7 hanga galgala sa’a 8 tti banaadha
3. Filadhaa!
  - Bakkee dhokataa keessatti filattu.
  - Yoo dogoggortan mirga gargaarsa gaafachuu ykn waraqqaa filannoo haaraa argachuu qabdu.

Galgala keessaa sa’a 8 tti hiriirra yoo jiraattan, filachuun isiniif ni hayyamama.





# Dhaqqabamummaa



- Buufataaleen filannoo dhaqqabamoo ta'uun dirqama.
- Filataan tokko hiriyyaa isaa, miseensa maatii isaa, ykn nama kamiyyuu fidee filachuuf akka isa gargaaran gochuu ni danda'a.
- Filataan tokko abbaa murtii filannoo gargaarsa gaafachus ni danda'a.

## Teeknooloojii filannoo dhaqqabamoo

Tokkoon tokkoon iddoo filannoo OmniBallot Tablet (*meeshaa filannoo mallattoo taasisu dhaqqabamaa*) filattota qaama miidhamtootaaf kan qabu yoo ta'u, namni kamiyyuu qalama osoo hin fayyadamin of danda'ee dhuunfaan waraqaa filannoo isaa irratti mallattoo akka kennu kan taasisudha.

Maashinichi iskiriinii waraqaa filannoo qubee guddaadhaan ykn dugduuba ifa guddaa qabuun agarsiisu qaba. Heedfoonii gurratti yoo godhattan waraqaa filannoo sanallee isinii dubbisuu ni danda'a.

Filattooni filannoo isaanii iskiriinii tuquudhaan, furtuu Bireelii ykn meeshaa abbaa furtuu sadiitiin mallatteessuu ni danda'u.

## Filannoo karaa cinarrattii

Abbootiin murtii filannoo konkolaataa keessan keessaa salphaatti bahuu hin dandeessan yoo ta'e, karaa cinatti sagalee akka kennitaniif isin gargaaruu danda'u. Abbootiin murtii filannoo lama meeshaalee mallattoo fi waraqaa filannoo keessan barbaadan qabatani ni bahu. Erga waraqaa filannoo keessan irratti mallattoo kaa'uu xumurtanii booda, waraqaa filannoo sana gara korojoo filannootti fidu.

# Haalota addaa

## Mana-dhabeessa ta’anii osoo jiranii filachuu

Filachuudhaaf ulaagaa ni guuttu yoo taatan, mana jireenyaa qabaattanis dhiistanis filachuu ni dandeessu. Yeroo galmooftan teessoo keessan ammaa (*fakkeenyaaf, bakka boqonnaa, mana hiriyyaa, alaa fi kkf*) fayyadamuu keessan mirkaneessaa.

Teessoo alaatiif, daandii qaxxaamuraa fi ibsa bakka ciistanii barreessaa (*fakkeenyaaf, SW corner of Loring Park near the intersection of Hennepin Ave. and Oak Grove St.*).

Bakkee jireenyaa keessan yeroo ammaatiif ragaa sirrii hin qabdan yoo taatan, Guyyaa Filannootti namni biraan akka dhugaa isiniif ba’u gochuu ni dandeessu Namni dhugaa isiniif ba’u sun naannoo keessan keessa kan jiraatu ta’uu kan qabu yoo ta’u, bakka isin kennitan keessa akka jiraattan dhuunfaan akka beeku kakatee mirkaneessuu qaba (fuula 9ffaa).

## Galmee yakkaa qabaatanii filachuu

Minnesota keessatti galmeen yakkaa keessan yeroo ammaa murtii yakka cimaatiin hidhamtanii kan jirtan yoo ta’e malee mirga filachuu keessan irraan dhiibbaa hin geessisu. Hidhaadhaa akka baataniin mirgi filachuu keessanii isiniif deebi’a.

## Safe at Home

Safe at Home sagantaa guutuu kutaa biyyattii namoota nageenya isaaniif sodaatan teessoo isaanii iccitiin qabuun isaan gargaarudha.

Yoo sagantaa Safe at Home keessatti hirmaataa taatan, waa’ee akkaataa sagalee itti kennitanii caalaatti baruuf marsariitii sagantaa Safe at Home daawwadhaa. Akkasumas lakkoofsa Safe at Home irratti bilbiluu ni dandeessu: 1-866-723-3035.



## Waajjiraalee federaalaa

**Pirezidaantii:** Oogganaa Yuunaayitid Isteetsi kan Ameerikaa. Wixinee seeraa Kongiresii Yuunaayitid Isteetsiin ragga'e ykn wixinee murtoo qaama seeraa kuffisuu mallatteessa. Pirezidaantichi seera Koongireesiin baase raawwachuu fi raawwachiisuuf itti gaafatamummaa qaba. Hooggantoota koomishiniwwan federaalaa walaba ta'an 50 ol muuduun ajaja hojii raawwachiiftuu kennuu ni danda'a. Pirezidaantichi abbootii murtii Mana Murtii Waliigalaa kan Koongireesiitiin mirkanaa'an kaadhima. Pirezidaantichi ajajaa olaanaa Raayyaa Ittisa Biyyaa Ameerikaati. Pirezidaantii fi itti aanaan pirezidaantii marsaa waggaa afuriif kan tajaajilan yoo ta'u, marsaa lama qofa bulchuu danda'u. *Hidhata dhaaba siyaasaa qabu*

**Pirezidaantii Itti-aanaa:** Itti gaafatamummaan itti aanaa pirezidaantii inni jalqabaa yoo pirezidaantichi hojii isaanii raawwachuu dadhaban pirezidaantummaa irraa fudhachuuf qophaa'uudha. Itti aanaan pirezidaantii kun pirezidaantii Seenetii Yuunaayitid Isteetsi ta'uun kan tajaajilan yoo ta'u, yoo walqixa ta'e sagalee murteessaa kenna. Filannoo pirezidaantummaa irratti waraqaa filannoo kenname fudhachuu fi lakkaa'uu sirnaan dursu. Itti aanaan pirezidaantii pirezidaanticha waliin gar tokkorra waan dorgomuuf lamaan isaaniiitiif akka tokkootti sagalee kennituuf. *Hidhata dhaaba siyaasaa qabu*

**Seenaatara U.S.:** Seeneetiin mana maree Koongiresii tokkodha. Seenaataroonni U.S. 100 yoo ta'an, bulchiinsa kutaa biyyaa tokkorraa lamatu dhiyaata. Seenaataroonni U.S. seera baasuuf yaada dhiyeessu, ni falmu, akkasumas sagalee kennu. Baajata federaalaa irratti to'annoo taasisu, muudama pirezidaantii ni raggaasisu ykn ni didu. Seenetiin waliigalteewwan mootummoota biyya alaa waliin taasifaman sagalee harka sadii keessaa harka lamaatiin raggaasisuu ykn diduudhaaf aangoo walaba ta'e qaba. Turtii waggaa jahaa tajaajilu. *Hidhata dhaaba siyaasaa qabu*

**Bakka-bu'aa U.S.:** Manni Maree Bakka Bu'oota Uummataa mana maree Koongiresii isa lammaffaati. Bakka bu'oonni U.S. 435 ta'an baay'ina ummataatiin kan raabsaman yoo ta'u, lakkoofsi ummataa erga adeemsifamee booda waggaa kudhaniin al tokko irra deebi'anii raabsamu. Akkuma seenaataroota U.S., bakka bu'oonni seera baasuuf yaada dhiyeessu, ni falmu, akkasumas sagalee kennuu fi qondaaltota federaalaa aangoo irraa kaasuuf aangoo qabu. Turtii waggaa lamaa tajaajilu. *Hidhata dhaaba siyaasaa qabu*

## Waajjiraalee Mootummaa

**Bulchaa:** Hoji gaggeessaa olaanaa naannichaati. Hooggantoota kutaalee hojii fi eejensiiwwanii muuduu, baajata mootummaa wayya jedhan dhiyeessuu fi seera mallatteessuu (raggaasisu) ykn kuffisuu (diduu). Akkasumas bakka duwwaa guutuuf abbootii murtii muuduu fi dhiifama



gochuu, adabbii hambisuu ykn yeroo biraatti dabarsuu, akkasumas yakkamtootaaf mirga isaanii deebisuufii ni danda’u. *Hidhata dhaaba siyaasaa qabu*

**Itti aanaa bulchaa:** Bakka isaan hin jirretti ykn bakki hojii duwwaan yoo jiraate itti gaafatamummaa bulchaa ni fudhata. Hojii bulchaadhaan itti kenname biroos ni raawwata. Bulchaan itti aanaa bulchaa waliin gar tokkorra waan dorgomuuf lamaan isaaniitiif akka tokkootti sagalee kennituuf. *Hidhata dhaaba siyaasaa qabu*

**Barreessaa Mootummaa Naannoo:** Qondaala olaanaa filannoo ta’ee hojjeta, akkasumas hojiirra oolmaa seera filannoo fi leenjii hojjetoota filannoo kaawuntii ni to’ata. Akkasumas sanadoota mootummaa ni mirkaneessa, dhaabbilee daldalaa fi dhaabbilee bu’aaf hin dhaabbanne ni galmeessa. Dabalataanis, sagantaa Safe at Home ni bulcha. *Hidhata dhaaba siyaasaa qabu*

**Oodiitara Mootummaa Naannoo:** Maallaqa mootummoonni naannoo baasan ni to’ata, ibsa faayinaansii isaaniis oodiitii ni godhaa. *Hidhata dhaaba siyaasaa qabu*

**Abukaatoo Waliigalaa:** Mootummaa naannootiif tajaajila seeraa ni kenna, dhimmoota mana murtii irratti mootummaa bakka bu’a, seera dhaabbilee tola ooltummaa ilaallatan ni kabachiisa, mirga ummataas ni eega. *Hidhata dhaaba siyaasaa qabu*

**Seenaatara mootummaa naannoo:** Seeneetiin kutaa biyyaa “mana maree olaanaa” damee seera baastuu kutaa bulchiinsa biyyaati. Seenaataroonni seera baasuuf yaada dhiyeessu, irratti falmii taasisu, akkasumas sagalee kennu. Adeemsa baajata mootummaa keessatti ni hirmaatu. *Hidhata dhaaba siyaasaa qabu*

**Bakka-bu’aa mootummaa maannoo :** Manni maree bakka-bu’ootaa kutaa biyyaa “mana maree olaanaa” damee seera baastuu kutaa bulchiinsa biyyaati. Bakka-bu’oonni seera baasuuf yaada dhiyeessu, irratti falmii taasisu, akkasumas sagalee kennu. Adeemsa baajata mootummaa keessatti ni hirmaatu. *Hidhata dhaaba siyaasaa qabu*

## Waajjiraalee kaawuntii

**Koomiishinara kaawuntii:** Baajata waggaa kaawuntii ni raggaasisa, gibira kaawuntii ni murteessa, bulchaa kaawuntii ni muuda fi seera hojjetootaa ni hayyama. Akkasumas karoora yeroo dheeraa fi fooyya’iinsa kaappitaalaa irratti ni hojjetu, itti fayyadama gargaarsa naannoo fi federaalaa ni hayyama, seera kaawuntii fudhachuu fi bakka duwwaa abbaa seeraa fi aangawaa olaanaa poolisii kaawuntii dursee guuta. *Hidhata dhaaba siyaasaa hinqaban*

**Aangawaa olaanaa poolisii kaawuntii:** Adeemsota, ajaja seeraa, dambiiwwanii, fi ajajawwan aangoo seera qabeessa ta’een kennaman ykn hojjetaman hunda ni raawwata. Aangawaa olaanaan poolisii kaawuntii balaa konkolaataa bashannanaa miidhaan dhuunfaa ykn du’a daangaa bulchiinsa magalaatiin ala uumamu qorata. Sanadoota mana murtii hunda ni qaqqabsiisa, beeksisi seeraa hundi akka raawwatamuuf ni maxxansa ykn kutaa biyyaa ykn kaawuntii bakka bu’ee maxxanfamu ni

maxxansa, akkasumas himannaa fi eegumsa mana hidhaa kaawuntii ni eega. *Hidhata dhaaba siyaasaa hinqaban*

**Abbaa seeraa kaawuntii:** Kaawuntiif tajaajila seeraa ni kenna. Yakka cimaa fi dhimmoota yakkamtoota dargaggootaa hirmaachisu hunda seeratti ni dhiyeessa, sagantaalee dargaggoota gara biraatti dabarsuu ni to'ata, akkasumas miidhamtoota fi ragaa baatota sirna haqaa yakkaa keessatti gahee olaanaa qaban ni gargaara. Abbaan seeraa kaawuntii miidhamtoota mirga seeraa isaanii fi sadarkaa dhimmi isaanii irra ga'e irratti isaan gorsa, fayyaa fi nageenya ga'eessota saaxilamoo ta'an kaawuntii keessa jiran eeguuf adeemsa seeraa ni jalqaba, akkasumas dirqamoota deeggarsa daa'immanii argachuuf ykn raawwachiisuuf tarkaanfii ni fida. *Hidhata dhaaba siyaasaa hinqaban*

**Koomiishinara paarkii kaawuntii:** Miseensonni torba Boordii Koomiishinara Aanaa Three Rivers Park kan ijaaran yoo ta'u, isaan keessaa shan aanaalee naannoo magaalaa Hennepin County keessa jiran irraa kan filataman yoo ta'u, isaan keessaa lama ammoo Boordii Koomiishinara Hennepin County tiin kan muudamanidha.. Koomiishinaronni paarkii argannaa, misoomsuu, fi suphaa paarkiiwwan gurguddoo, bakka kunuunsa bineensota bosonaa, iddoowwan seenaa, bosonaa fi bakkeewwan eegaman biroof, akkasumas karaawwan ummanni haroowwan, lageen, fi burqituuwwanii fi qabeenya uumamaa birootti bu'aa fi faayidaa uummata naannoo magaalota Hennepin County fi magaalaa keessaatiif itti fayyadamuuf itti gaafatamummaa qabu. *Hidhata dhaaba siyaasaa hinqaban*

## Waajjiraalee magaalaa

**Kantiibaa:** Kantiibaan yeroo baayyee hoji-gaggeessaa olaanaa magaalaa tokkooti (*kun bulchiinsa magaalatiin garaagarummaa qabaatus*). Yeroo baay'ee waajjiraalee magaalaa muudama ni kenna, akkasumas walgahii mana maree ni geggeessa. Kantiibonni yeroo baayyee tilmaama baajata magaalattii dhiyeessu, akkasumas ajajawwan ciccimoo manni marichaa akka yaadaatti dhiyeessan diduu ni danda'u. *Hidhata dhaaba siyaasaa hinqaban*

**Mana Maree Magaalaa:** Miseensonni mana maree magaalaa akkaataa idileetti akka "damee" seera baastuu mootummaa magaalaa ta'anii tajaajilu (*kun bulchiinsa magaalatiin garaagarummaa qabaatus, aangoo raawwachiisummaas qabaachuu waan danda'aniif*). Miseensonni mana maree dambiiwwan akka yaadaatti dhiyeessu, imaammata bulchiinsaa kaa'uu, akkasumas tilmaama baajataa kantiibaan dhiheesse dabarsuu ni danda'u. Muudamni kantiibaaf bulchiinsa magaalaa irratti taasifamu akkaataa idileetti hayyama mana maree barbaada. *Hidhata dhaaba siyaasaa hinqaban*

## Konyaa mana barnootaa

**Miseensa boordii mana barumsaa:** Imaammata mana barumsaa ni qopheessa, bulchaa qacaree hooggansa barnootaa aanaadhaaf ni kenna akkasumas gibira aanaa sanatti murteessuudhaan madda maallaqaa uuma. *Hidhata dhaaba siyaasaa hinqaban*



Wanti waraqaa filannoo keessan irratti argamu waggaa waggaa jijjiirama, bakka isin jiraattan irratti hundaa’as.

Sagalee kennuuf osoo hin deemin dura kaadhimamaa fi gaaffilee waraqaa filannoo keessan irratti ta’an irratti qorannoo geggeessuun barbaachisaadha.

[mnvotes.gov/myballot](https://mnvotes.gov/myballot)



# Filataa odeeffannoo ga'aa qabu ta'uu

Kaadhimamaa, waajjiraalee ykn gaaffilee waraqaa filannoo irratti argaman irratti odeeffannoo dabalataa argachuuf gargaaruuf maddi odeeffannoo tokko tokko kunooti:

- Marsariitii kaadhimamaa, iimeelii, fi lakkoofsa bilbila isaa dabalatee odeeffannoo quunnamtii kaadhimamaa argachuuf [mnvotes.gov](https://mnvotes.gov) daawwadhaa. Dhimmoota isiniif barbaachisoo ta'an irratti gaaffii qabdaniif kaadhimamaa qunnamuu ni dandeessu.
- [mnvotes.gov](https://mnvotes.gov) irraa odeeffannoo quunnamtii dhaabbilee siyaasaa gurguddoo fi xixiqqoo Minnesota argachuu ni dandeessu
- Marsariitii dorgomtootaa fi waltajjiwwan miidiyaa hawaasaa
- Haasaa fi falmii kaadhimamaa
- Gabaasa piresii gaazexaawwan, teevijiiinii fi raadiyoo irraa
- Galmee sagalee kennuu (*yoo kaadhimamaan irra deebii filatamuuf dhiyaate*)
- Ifatti deeggaruu (*deeggarsaa ummataa kaadhimamaa tokkoof*)
- Filattoota Liigii Dubartootaa: [lwvnmn.org](https://lwvnmn.org)
- Ballotpedia: [Ballotpedia.org](https://Ballotpedia.org)
- Waajjiraalee kaawuntii: Tarkaanfiwwan boordii kaawuntii fi odeeffannoo walgahii ilaaluuf [hennepin.us](https://hennepin.us) daawwadhaa
- Waajjiraalee magaalaa: Marsariitii magaalattii seenuun odeeffannoo walgahii isaanii irraa argamu kamiyyuu ilaalaa
- Boordii mana barumsaa: Marsariitii konyaa mana barumsaa keessanii daawwadhaatii odeeffannoo walgahii isaanii irraa argamu kamiyyuu ilaalaa
- Abbaa Murtii Ta'uu: Waa'ee kaadhimamaa abbaa murtii baruuf, fuula Minnesota State Bar Association's Judicial Candidate Information [msbawebtest.mnbar.org/public-resources/judicial-candidate-information](https://msbawebtest.mnbar.org/public-resources/judicial-candidate-information) fayyadamaa



# Waraqaa filannoo keessanitti dibuu

Waraqaa filannoo keessan argannaan guutuutu isinirraa eegama.

## Waraqaa filannootti dibuu

Waraqaa filannoo fi kobbeedhaan filachuun karaa filannoo isa hunda caalaa baratamaadha.

- Kobbeedhaan filadhaatii geengoo filannoowwan keessan cinaa keessatti sirriitti guutaa dibaa.





## Meeshaa mallattoo godhuun waraqaa filannootti dibuu

- Filattootni meeshaa mallattoo taasisuun waraqaa filannoorratti dibuu filachuu ni danda’u.
- Meeshaan mallattoo waraqaa filannoo filannoowwan dhimma itti ba’amuun danda’amu hedduu qaba, kanneen akka qubee guddaa maxxanfame, qajeelfama dubbii, furtuu Bireelii ykn iskiriinii tuqamu. Maashinichi waraqaa filannoo mallattoon itti godhame maxxansee baasa.

### Yaadadhaa

- Sagaleen keessan dhoksaan qabama waan ta’eef mirga odeeffannoo dhuunfaa eegsisiifachuu qabdu
- Nama sagalee kennuu irratti isin gargaaru fidachuu ykn abbaa murtii filannoo gargaarsa gaafachuu ni dandeessu
- Yoo dogoggortan, qondaala filannoo waraqaa filannoo haaraa gaafachuu irraa duubatti hin jedhinaa



## Itti hirmaadhaa

Hirmaannaan lammummaa filannoo irratti hin xumuramu! Waggaa guutuu karaaleen lammummaa irratti bobbaatanii turuu dandeessan hedduudha: Sagalee kennuutti dabalee karaaleen itti hirmaachuu dandeessan muraasni kunooti:

- Abbaa murtii filannoo ykn abbaa murtii filannoo barattootaa ta'uu
- Namoota biroo hawaasa keessan keessaa akkaataa filachuuf itti galmaa'anii fi akkaataa buufata filannoo isaanii barbaadan irratti gargaaruu
- Duula filannootti makamuu
- Aangawootni keessan filataman eenyu akka ta'an beekaatii isaan waliin wal quunnamaa. Isaan isin tajaajiluuf as jiru!
- Boordii ykn koomishinii magaalaa keessaniitti makamaa
- Walgahii magaalaa fi kaawuntii irratti hirmaadhaa
- Waldaa naannoo keessanii keessatti hirmaadhaa
- Dhaabbata ykn dhaaba siyaasaa hojii isin itti dhimmamtan hojjetu waliin tola ooltummaadhaan hojjedhaa
- Aangoof dorgomaa!
- Facebook ykn Twitter @HennepinCountyElections irratti nu hordofaa
- Qajeelfama kana hiriyoote, maatii fi ollaa keessaniif qoodaa!

# Hennepin County Elections

[hc.vote@hennepin.us](mailto:hc.vote@hennepin.us)

612-348-5151

[hennepin.us/elections](https://hennepin.us/elections)

